

La BCG cumenza cun la renovaziun da la sedia regionala ad Arosa

Renovaziun da la sala da clients e schlargiament da la cussegliaziun

Cuira, ils 20 d'avrigl 2020 – Oz glindesdi cumenza la renovaziun da la sedia regionala da la BCG ad Arosa. Ultra d'ina sala da clients restructurada profitan las clientas ed ils clients a partir dals 8 da zercladur 2020 d'ina nova metoda da cussegliaziun en in ambient modern. Cun la renovaziun ad Arosa adattesch'ins l'ultima da totalmain diesch sedias regionalas da la BCG al nov concept da filialas.

Dals 20 d'avrigl fin ils 7 da zercladur 2020 renovescha la Banca Chantunala Grischuna (BCG) cumpletta main sia sala da clients en la [sedia regionala ad Arosa](#). Durant quel temp porscha ella tut ils servetschs en in provisorio da banca en il medem lieu. A partir da l'avertura ils 8 da zercladur 2020 pon las clientas ed ils clients entrar en las localitads renovadas e profitar d'in nova moda da cussegliaziun. Natiralmain pon ins vinavant retrair daner contant, en il futur simplamain als novs automats. Suentar la renovaziun è la BCG Arosa avverta sco fin ussa da glindesdi fin venderdi, da las 08.30 fin las 12.00 e da las 14.00 fin las 17.00. In eventual retard da construcziun en consequenza da la situaziun actuala resta resalvà.

Il concept da filialas modern sa cumprova

Arosa è la novavla da diesch sedias regionalas – a Tavau Plaz vegn erigì en fin dal 2021 in edificis novs – che la BCG adapta a las novas pretensiuns ad ina banca moderna. Las clientas ed ils clients regleschan blers affars da banca pli e pli via chanals electronics. En las filialas van els cunzunt per cussegliaziuns personalas. Prelevaments da daners al spurtegl èn dumandads adina pli darar. Il nov concept da filialas da la BCG correspunda a quels basegns ed è sa cumprovà en las sedias regionalas gia renovadas.

Il contact personal stat en il center – soluziuns digitalas cumplessivas

Per la BCG è il contact personal impurtant. Sin fundament da la situaziun actuala recumonda la banca a sias clientas ed a ses clients però da nizzegiar ils [servetschs da banca digitalas](#). In exempel è [il center da clientella](#), nua ch'il client po empustar online daners en contant ed als laschar trametter a chasa cun posta. Il mument è quest servetsch gratuit. «Nossas cussegliastras e noss cussegliastrs stattan a disposiziun per discurs da cussegliaziun individuals era via telefon», accentuescha Peter Altmann, manader regiun Arosa.

Contact per las medias:

Banca Chantunala Grischuna, Medias & Investor Relations, Chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1010 collavuraturas e collavuratur (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 51 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2020: 23 da fanadur 2020
